

田拯聲上

乙

礙復過是東方有國純以白銀爲地彼佛弟子皆學辟支佛道復過是東方有國純以七寶爲地其地常有無量光明彼佛所化弟子純諸菩薩皆得陀羅尼諸三昧門住阿跋跋致地目連當知彼諸佛者皆是我身如是等東方恒河沙等無量世界有莊嚴者不莊嚴

者皆是我身而作佛事如東方南西北方四維上下亦復如是以是故當知釋迦文佛更有清淨世界如阿彌陀國阿彌陀佛亦有嚴淨不嚴淨世界如釋迦文佛國諸佛大悲徹於骨髓不以世界好醜隨應度者而教化之如慈母愛子子雖沒在廁溷勤求拯拔不以爲惡

十八末

大智度論卷第三十二

名三

大智度論卷第三十三

名三

龍樹菩薩造 姚秦三藏法師鳩摩羅什譯

釋初品中到彼岸等

經復次舍利弗菩薩摩訶薩欲到有爲無爲法彼岸當學般若波羅蜜論彼岸者於有爲無爲法盡到其邊云何是彼岸以大智慧悉

知悉盡有爲法摠相別相種種悉解無爲法中從須陀洹至佛悉皆了知有爲無爲法相義如先說

經菩薩摩訶薩欲知過去未來現在諸法如諸法法相無生際者當學般若波羅蜜論問曰上已說如今何以更說答曰上直言諸法

羸力垂治野銅音澡早析擊擾達摧昧腐父
籌直流涕滴整之領擲直力惡獸上鳥故下於煩火
憤開上俱殊嶺峨上足可廁溷上初陽下胡

如今言三世皆如上略說此廣說上說一此說三法相即是法性無生際即是實際過去法如即是過去法相未來現在亦如是復次過去法如即是未來現在法如現在法如即是過去未來法如未來法如即是過去現在法如所以者何如相非一非異故復次如先

說二種如一者世間如二者出世間如用是世間如三世各各異用是出世間如三世爲一復次法相名諸法業諸法所作力因緣果報如火爲熱相水爲濕相如是諸法中分別因緣果報各各別相如是處非處力中說是名世間法相若是諸法相推求尋究入無生法中更無過是者是名無生際問曰如法相可分別有三出無生際是未來法云何有過去現在如阿毗曇說生法者過去現在是無生法者未來及無爲法是云何欲今過去現在有無生答曰如先種種說破生法一切法皆無生何但未來無生如一時義中已破三

世三世一相所謂無相如是則無生相復次無生名爲涅槃以涅槃不生不滅故涅槃者末後究竟不復更生而一切法即是涅槃以是故佛說一切法皆是無生際

復次舍利弗菩薩摩訶薩欲在一切聲聞辟支佛前欲給侍諸佛欲爲諸佛內眷屬欲

得大眷屬欲得菩薩眷屬欲淨報大施當學般若波羅蜜論問曰若菩薩未得漏盡云何在漏盡聖人前答曰菩薩初發意時已在一切衆生前何況積劫修行是菩薩功德智慧大故世世常大能利益聲聞辟支佛衆生知菩薩恩故推崇敬重乃至畜生中亦爲尊重

名三

二

三

如菩薩昔作鹿其色如金其角七寶五百鹿隨逐崇事若在人中好作轉輪聖王惡作恒作大王護持佛法利益衆生若出家值有佛法則爲世作大度師興顯佛法若無佛法則爲外道大師行四無量羅漢辟支佛雖有無漏利益事少譬如一升酥雖精不如大海

水鴟菩薩雖有漏智慧及其成熟利益無量復次羅漢辟支佛四事供養助道之具多由菩薩得如首楞嚴經說文殊師利七十二億作辟支佛化辟支佛人今其成道以是故在聲聞辟支佛前欲爲諸佛給使者如釋迦文佛未出家時車匿給使優陀耶戲笑瞿曇耶

耶輸陀等諸姍女爲內眷屬出家六年苦行時五人給侍得道時彌喜羅陀須那刹多羅阿難密跡力士等是名內眷屬大眷屬者舍利弗目撻連摩訶迦葉須菩提迦旃延富樓那阿泥盧豆等諸聖人及彌勒文殊師利跋陀婆羅諸阿毗跋致一生補處菩薩等是名

大眷屬復次佛有二種身一者法性生身三者隨世間身世間身眷屬如先說法性生身者有無量無數阿僧祇一生補處菩薩侍從所以者何如不可思議解脫經說佛欲生時八萬四千一生補處菩薩在前導菩薩從後而生譬如陰雲籠月又如法華經說從地踊

出菩薩等皆是內眷屬大眷屬菩薩眷屬者有佛純以菩薩爲眷屬有佛純以聲聞爲眷屬有佛菩薩聲聞雜爲眷屬是故言但欲得菩薩爲眷屬者當學般若波羅蜜眷屬有三上中下下者純聲聞中者雜上者但菩薩淨報大施者有人言菩薩多集福德未除煩惱受人信施未能淨報佛言菩薩行般若波羅蜜諸法皆空不可得何況諸結使菩薩入法性中故不證真際是故能淨報施福復次菩薩功德廣大從發心已來欲代一一衆生受一切苦欲以一切功德與一切衆生然後當自求佛道但是事不可得故而自成佛度一切衆生又菩薩志願不以阿僧祇爲拘如世間如及法性實際虛空等久住菩薩心住世間利益衆生故亦如是久住無有窮已是人不能淨報施福者誰能淨畢如父母雖有結使諸惡以一世利益子故受其供養令得大福何況菩薩無諸結使而住無邊世中利益

衆生而不淨畢又復善薩但有悲心而無般若尚能利益何況行般若波羅蜜問曰若善薩無結使云何世間受生答曰先已答菩薩得無生法忍得法性生身處處變化以度眾生莊嚴世界是功德因緣故雖未得佛能淨報施福

經欲不起慳心破戒心瞋恚心懈怠心亂心癡心當學般若波羅蜜論是六種心惡故能障蔽六波羅蜜門如菩薩行布施時若有慳心起令施不清淨所謂不能以好物施若與好物不能多與若與外物則不能內施若能內施不能盡與皆由慳心故菩薩行般若波羅蜜知一切法無我無我所諸法皆空如夢如幻以身頭目骨髓布施如施草木是菩薩雖未得道欲常不起是慳心當學般若波羅蜜諸餘人離欲得道故不生破戒心菩薩行般若波羅蜜故不見破戒事所以者何戒爲一切諸善功德住處譬如地爲一切萬物所依

名三

四

本

止處破戒尚不得餘道何況阿耨多羅三藐三菩提以是故不生破戒心復作是念菩薩法者安樂衆生若破戒者惱亂一切以是故菩薩不生破戒心何況破戒小乘及諸凡夫尚不應生瞋恚心何況菩薩發阿耨多羅三藐三菩提意身爲苦器法自受惱譬如犯罪

之人自致刑戮自作自受不應怨人但當自護其心不令起惡譬言如人遭風雨寒熱亦無所瞋復作是念菩薩求佛以大悲爲本若懷瞋恚則喪志願瞋恚之人尚不得世間樂何況道樂瞋恚之人自不得樂何能以樂與人懈怠之人世間勝事尚不能成何況阿耨多

羅三藐三菩提譬如鑽火數息無得火期散亂之心譬如風中燈燈雖有光明不能照物亂心中智慧亦復如是智慧是一切善法根本若欲成就是智先當攝心然後可成譬如狂醉之人自利他利好醜之事都不覺知散亂之心亦如是世間好事尚不能善知何況出

世間法愚癡人心一切成敗事皆不能及何況微妙深義譬如無目之人或墜溝坑或入非道無智之人亦復如是無智慧眼故受著邪法不受正見如是之人世間近事尚不能成何況阿耨多羅三藐三菩提菩薩行般若波羅蜜力故能障是六蔽淨六波羅蜜以是

名三

五

陳

故說若欲不起六蔽當學般若波羅蜜

經復次舍利弗善薩摩訶薩欲使一切衆生立於布施福處持戒福處修定福處勸導福處欲令衆生立於財福法福處當學般若波羅蜜論問曰云何名爲福處答曰阿毗曇言福者善有漏身口意業復有人言不隱沒無記是所以者何善有漏業因緣果報故得是不隱沒無記福是果報亦名爲福如世間人說能成大事多所成辦是名福德人是福略說三種布施持戒修定何等是布施有人以衣服卧具飲食華香瓔珞等與人是名布施問曰飲食等物便是布施爲更有布施答曰

飲食等物非布施以飲食等物與時心中生法名捨與慳心相違是名布施福德是或有漏或無漏常是善心數法心相應隨心行共心生無色無形能作緣業相應隨業行業共生非先業果報得修行修慧證身證凡夫人得亦聖人得有人言是捨法相應思是名布施福德所以者何業能生果報故思即是業身口不名爲業從思生故得名業此布施有二種一者淨二者不淨不淨者直施而已或畏失財故與或惡訶罵故與或無用故與或親愛故與或爲求勢故與以施故多致勢援或死急故與或求善譽故與或求與貴勝齊名故與或妬嫉故與或憍慢故與小人愚賤尚施我爲貴重大人云何不與或爲呪願福德故與或求吉除凶故與或求入伴黨故與或不一心恭敬輕賤受者而與如是種種因緣爲今世事故施與淨相違名爲不淨淨施者如經中說治心故施莊嚴意故施爲得

第一利故施生清淨心能分別爲助涅槃故
施譬如新華未萎色好且香淨心布施亦復
如是如說諸天不淨心布施者宮殿光明薄
少若淨心布施者宮殿光明增廣此布施業
雖過去乃至千萬世中不失譬喻券要問曰
此布施福云何增長答曰應時施故得福增

名三

六

年

長如經說餓餓時施得福增多或遠行來時
若曠路險道中施若常施不斷或時常念施
故施得增廣如六念中念捨說若大施故得
福多若施好人若施佛若施者受者清淨故
若決定心施若自以力致財施若隨所有多
少能盡施若交以物施若以園田使人等施
如是布施唯有菩薩能以深心行之如韋羅
摩菩薩十二年布施已嚴飾乳牛七寶鉢及
姝女各有八萬四千及諸餘物飲食之屬不
可稱數又如須帝欵擎菩薩下善勝白象施
與怨家入在深山以所愛二子施十二醜婆
羅門復以妻及眼施化婆羅門尔時地爲大

動天爲雷震空中雨華又如薩婆達多王自
縛其身施婆羅門如尸毗王爲一鷁故自持
其身以代鷁肉又如菩薩曾爲免身自炙其
肉施與仙人如是等菩薩本生經中所說復
有聲聞人布施如須彌陀比丘尼與二同學
爲迦那伽牟尼佛作精舍於無數千萬世受

轉輪聖王及天王福如施婆羅門持一瓶酪
施僧卅卅受樂今得阿羅漢諸受樂中受樂
第一如末利夫人供養須菩提故得今世果
報爲波斯尼示王后如尸婆供養迦旃延故
得今世報爲旃陀波周陀王后如鬱陀居士
供養舍利弗等五百阿羅漢故即日得報五

名三

十

年

百賈客得其餘食人人以珠瓔與之卒得大富
遂号爲卒鬱伽陀如是等布施得今世報當
知布施論議說不可盡持戒福處者佛說五
戒福者是問曰云何殺罪相答曰知是衆生
故奪命得殺罪非不故安隱快心得殺罪非
散亂狂心奪命得殺罪非作瘡死已得殺罪

非未死身業是殺罪非口教身作是殺罪非但心生惡如是等罪止不作是初戒善相或有人言謂是不隱沒無記或欲界繫或不繫是非心非心數法非心相應非隨心行或共心生或不共心生非業相應非隨業行或共業生或不共業生非先業果報得修行修身

證慧證或思惟斷或不斷離欲界欲時得斷知凡夫聖人共有是名說不殺生戒相餘戒亦如是隨義分別諸戒讚歎論議如尸羅波羅蜜中說修定福處者雖經中說修慈是修定福亦說有漏禪定能生果報者惱名修定福以欲界多瞋多亂故先說慈心爲修定福

得慈方便願與衆生樂後實見受樂是心相應法名爲慈法是法或色界繫或不繫是爲真慈是方便慈欲界繫常隨心行隨心生無形無對能緣法非業業相應而隨業行共業生非先業果報得修行修身證慧證或思惟斷或不斷離色界欲時得斷知有覺有觀亦

無覺有觀亦無覺無觀或有喜或無喜或有息或無息亦凡夫人亦聖人或樂受相應或不苦不樂受相應先緣得解相後緣實義根本四禪中亦過四禪依止四禪得者牢固有力慈應言親愛無怨無諍故名爲親愛能緣無量衆生故名爲無量能利益衆生能離欲故名爲梵行慈心餘論議如四無量中說問曰修定福中佛何以但說慈心不說餘答曰四無量中慈心能生大福德悲心憂愁故捨福德喜心自念功德故福德不深捨心放捨故福亦少復次佛說慈心有五利不說餘何等五一者刀不傷二者毒不害三者火不燒

名三

八

七

四者水不沒五者於一切瞋怒惡害衆生中見皆懽喜悲心等事不余以是故說修定福爲慈餘者隨從及諸能生果報有漏定勸導福處者若比丘不能坐禪不能誦經教化勸導修立福德或有比丘能坐禪誦經見諸比丘衣食乏少力能引致亦行勸導及諸菩薩

憐愍衆生故以福德因緣勸化之又出家人
若自求財於戒有失是故勸導以爲因緣財
福者衣服飲食卧具醫藥金銀車馬田宅等
問曰上言布施福處此言財福有何等異答
曰布施者摶攝一切施財施法施俗施道施
今欲分別法施財施法施者如佛以大慈故

初轉法輪無量衆生得道後舍利弗逐佛轉
法輪餘諸聖人雖非轉法輪亦爲衆生說法
得道亦名法施復有遍吉菩薩觀世音得大
勢文殊師利彌勒勤菩薩等以二種神通力果
報神通修得神通住是中以福德方便力光明
神足等種種因緣開度衆生亦名法施諸

辟支佛飛騰虛空而說一偈引導衆生令植
善根亦名法施又佛弟子未得聖道者坐禪
誦經不壞諸法相教化弟子皆名法施如是等
種種名爲法施相以是故說菩薩欲立衆生
於六種施福者當學般若波羅蜜

復次舍利弗菩薩摩訶薩欲得五眼當學

名三

九

木

般若波羅蜜何等五肉眼天眼慧眼法眼佛
眼論肉眼見近不見遠見前不見後見外不
見內見晝不見夜見上不見下以此礙故求
天眼得是天眼遠近皆見前後内外晝夜上
下悉皆無礙是天眼見和合因緣生假名之
物不見實相所謂空無相無作無生無滅如
前中後亦余爲寶相故求慧眼得慧眼不見
衆生盡滅一異相捨離諸著不受一切法智
慧自內滅是名慧眼但慧眼不能度衆生所
以者何無所分別故以是故生法眼法眼今
是人行是法得是道知一切衆生各各方便
門令得道證法眼不能遍知度衆生方便道
以是故求佛眼佛眼無事不知覆障雖密無
不見知於餘人極遠於佛至近於餘幽闇於
佛顯明於餘爲疑於佛決定於餘微細於佛
爲麤於餘甚深於佛甚淺是佛眼無事不聞
無事不見無事不知無事爲難無所思惟一
切法中佛眼常照後品五眼義中當廣說

○菩薩摩訶薩欲以天眼見十方如恒河沙等世界中諸佛欲以天耳聞十方諸佛所說法欲知諸佛心當學般若波羅蜜論天眼法所見不過三千大千世界今以般若波羅蜜力故見十方恒河沙等國中諸佛所以者何般若波羅蜜中無近無遠無所礙故問曰

如般舟經說以般舟三昧力故雖未得天眼而能見十方現在諸佛此菩薩以天眼故見十方諸佛有何等異答曰此天眼不隱沒無記般舟三昧離欲人未離欲人俱得天眼但是離欲人得般舟三昧憶想分別常修常習故見天眼修神通得色界四大造色眼四邊得遍明相是爲差別天眼功易譬喻日出見色不難三昧功難如夜然燈見色不易天耳亦如是知諸佛心者問曰如上地鉈根不能知下地利根心菩薩一佛心尚不應知何況恒河沙等十方諸佛心答曰以佛神力故令菩薩知如經說一切衆生無知佛心者若佛

○欲聞十方諸佛所說法聞已乃至阿耨多羅三藐三菩提不忘當學般若波羅蜜論問曰一佛所說猶尚難持何況無量諸佛所說欲憶而不忘答曰菩薩以聞持陀羅尼力故能受堅憶念陀羅尼力故不忘後次此中說以般若波羅蜜力畢竟清淨無所著譬如大海含受衆流菩薩從十方諸佛所聞法以般若波羅蜜器大故能受無量法持不忘復次是般若波羅蜜不可譬喻如虛空如劫燒盡已大雨彌滿是雨除虛空更無處能受十方諸佛說法雨從佛口出除行般若波羅蜜菩薩更無能受者以是言欲聞十方諸佛說

法當學般若波羅蜜

經復次舍利弗菩薩摩訶薩欲見過去未來諸佛世界及見現在十方諸佛世界當學般若波羅蜜論問曰若見十方佛則已見世界今何以復說欲見世界答曰菩薩未深入禪定若見十方世界山河草木心則散亂故但觀諸

名三

十一

本

佛如念佛義中說行者但觀諸佛不觀土地山河樹木得禪定力已隨意廣觀復次清淨佛國難見故言欲見諸佛國當學般若波羅蜜又一佛有無量百千種世界如先說有嚴淨有不嚴淨有雜有畢竟清淨世界難見故以般若波羅蜜力乃能得是譬如天子聽正般則外人可見內殿深宮無能見者問曰十方現在世界可見過去未來諸佛世界云何得見答曰菩薩有見過去未來三昧入是三昧已見過去未來事如夢中所見復次菩薩有不滅除三昧入是三昧已不見諸佛有滅者問曰此二法非眼云何能見答曰此是智

慧假名爲眼如轉法輪中於四諦得眼智明覺復次善薩見十方現在佛世界定知過去未來諸佛世界亦尔所以者何一切諸佛功德同故是事如先說復次是般若波羅蜜中如現在過去未來等無異一如一法性故以是故不應難

經復次舍利弗菩薩摩訶薩欲聞十方諸佛所說十二部經修多羅祇夜受記經伽陀憂陀那因緣經阿波陀那如是語經本生經廣經未曾有經論議經諸聲聞等聞與不聞盡欲誦受持當學般若波羅蜜論先說盡欲聞十方諸佛所說法者當學般若波羅蜜所說法者即此十二部經諸經中直說者名修多羅所謂四阿含諸摩訶衍經及二百五十戒經出三藏外亦有諸經皆名修多羅諸經中偈名祇夜衆生九道中受記所謂三乘道六趣道此人經尔所阿僧祇劫當作佛若記尔所歲當作佛記聲聞人今世後世得道記辟支

佛人但後世得道記餘六道亦皆後世受報諸佛法欲與衆生受記先皆微笑無量種光從四牙中出所謂青黃赤白綠紫等從上二牙出者光照三惡道從其光明演無量法說一切作法無常一切法無我安隱涅槃衆生得遇斯光聞說法者身心安樂得生人中天

卷三

十二

三

上從是因緣皆得畢苦從下二牙出者上照人天乃至有頂禪若聾盲瘡瘍狂病皆得除愈六欲天人及阿脩羅受五欲樂遇佛光明聞說法聲皆厭患欲樂身心安隱色界諸天受禪定樂時遇佛光明聞說法聲亦生厭患來詣佛所此諸光明復至十方遍照六道作

佛事已還透身七而若記地獄光從足下入若記畜生光從踏入若記餓鬼光從腹入若記人道光從齋入若記天道光從脣入若記聲聞光從口入若記辟支佛光從眉間相入若記得佛光從頂入若欲受記先現此相然後阿難等諸弟子發問一切偈名祇夜六句

無常品乃至婆羅門偈等作婆羅門品亦名優陀那諸有集衆妙事皆名優陀那如是等名優陀那經相尼陀那者說諸佛法本起因緣佛何因緣說此事修多羅中有人問故爲說是事毗尼中有人犯是事故結是戒一切佛語緣起事皆名尼陀那阿波陀那者與出

漏道顛倒覆心故於無我無我所心大驚怖若佛及佛弟子聞好法者歡喜奉行無顛倒故不復更作如是等雜阿含中廣說又如般若波羅蜜品中諸天子讚須菩提所說善哉善哉希有世尊難有世尊是名優陀那又如佛涅槃後諸弟子抄集要偈諸無常偈等作

卷三

三

間相似柔軟淺語如中阿含中長阿波陀那經長阿含中大阿波陀那毗尼中億耳阿波陀那二十億阿波陀那解二百五十戒經中欲阿波陀那一部菩薩阿波陀那出一部如是等無量阿波陀那如是語經者有二種一者經句言我先許說者今已說竟二者三藏

摩訶衍外更有經名一日多迦有人言目多迦目多迦名出三藏及摩訶衍何等是如佛說淨飯王強令出家作佛弟子者佛選擇五百人堪伍得道者將至舍婆提所以者何以其未離欲若近親里恐其破戒故將至舍婆提令舍利弗目連等教化之初夜後夜專精不睡勤修精進故得道得道已佛還將至本生國一切諸佛法還本國時與大會諸天衆俱住迦毗羅婆仙人林中此林去迦毗羅婆城五十里是諸釋遊戲園此諸釋子比丘處舍婆提時初夜後夜專精不睡故以夜爲長從林中來入城乞食覺道里長遠尔時佛知

其心有一師子來札佛足在一面住佛以是三因緣故說偈

不寐夜長 疲倦道長 愚生死長 莫知正法
佛告比丘汝未出家時其心放逸多睡眠故不覺夜長今初夜後夜專精求道減少省睡眠故覺夜為長此迦毗羅婆林汝本駕乘遊戲不

覺爲遠今善衣持鉢步行疲極故覺道長是師子鞞婆尸佛時作婆羅門師見佛說法來至佛所爾時大衆以聽法故無共語者即生惡念發惡罵言此諸禿輩與畜生何異不別好人不知言語以是惡口業故從鞞婆尸佛乃至今日九十一劫常墮畜生中此人爾時

名三

十四

即應得道以愚癡故自作生死長久今於佛所心清淨故當得解脫如是等經名爲出因緣於何處出於三藏摩訶衍中出故名爲出何名因緣是三事之本名爲因緣本生經者昔者菩薩曾爲師子在林中住與一獮猴共爲親友獮猴以二子寄於師子時有鷺鳥飢

行求食值師子睡故取猴子而去住於樹上
師子覺已求猴子不得見驚持在樹上而告
驚言我受繡猴寄託二子護之不謹今汝得
去孤負言信請從汝索我爲獸中之王汝爲
鳥中之主貴勢同等宜以相還驚言汝不知
時吾今饑乏何論同異師子知其回得自以
利爪斷其脅肉以賈猴子又過去世時人民
多病黃白癩熱菩薩尔時身爲赤魚自以其
肉施諸病人以救其疾又昔菩薩作一鳥身
在林中住見有一人入於深水非人行處爲
水神所呪水神呪法著不可解鳥知解法至
香山中取一藥草著其背上繩即爛壞人得

脫去如是等無量本生多有所濟是名本生
經廣經者名摩訶衍所謂般若波羅蜜經六
波羅蜜經華手經法華經佛本起因緣經雲
經法雲經大雲經如是等無量阿僧祇諸經
爲得阿耨多羅三藐三菩提故說釋佛略力夜
秦言未曾有經如佛現種種神力衆生惟

未曾有所謂佛生時身放光明照三千大
千世界及幽闇之處復照十方無量諸佛三
千大千世界是時於佛母前有清淨好池以
浴菩薩梵王執蓋帝釋洗身二龍吐水又生
時不須扶持而行七步足跡之處皆有蓮華
而發是言我是度一切衆生老病死者地大
震動天雨衆華樹出音聲作天妓樂如是等
無量希有事是名未曾有經論議經者答諸
問者釋其所以又復廣說諸義如佛說四諦
何等是四所謂四聖諦何等是四所謂苦集
滅道聖諦是名論議何等爲苦聖諦所謂生
苦等八種苦何等是生苦所謂諸衆生各各
生老是中受苦如是等問答廣解其義是名
優波提舍如摩訶衍中佛說六波羅蜜何等
六所謂檀波羅蜜乃至般若波羅蜜何等是
檀波羅蜜檀波羅蜜有二種一者具足二者
不具足何等是具足與般若波羅蜜和合乃
至十住菩薩所得是名具足不具足者初發

菩薩心未得無生忍法未與般若波羅蜜和合是名不具足乃至禪波羅蜜亦如是般若波羅蜜具足者有大方便力未具足者無方便力復次佛所說論議經及摩訶迦旃延所解修多羅乃至像法凡夫人如法說者亦名優波提舍聲聞所不聞者佛猶與菩薩說法無

諸聲聞聽者又佛以神通力變身無數遍至
十方一乘出界說法又復佛為欲天色天說
法無諸弟子故不得聞問曰諸六通阿羅漢
若佛說時雖不在坐以天耳天眼可得見聞
若以宿命通并知過去事何以不聞答曰諸
聲聞神通力所不及是故不聞復次佛為

諸大菩薩說不可思議經舍利弗目連在佛
左右而不得聞以不種是聞大乘行法因緣
故譬如坐禪人入一切處定中能使一切皆
水皆火而餘人不見如不可思議解脫經中
廣說盡欲受持者聞而奉行爲受父父不失
爲持

大智度論卷第二十三

十六

名三

車匿下見火𦵸蒲末拘俱敵必祭戮音鑽火子
宮溝古扶搜子彌妻爲爲券要上立預反榦
即帝縲延小蠅音脞蒲米賈客上音安伎立迎
反瓦築竹疲倦上音安丘眷死故秃他谷鶴音覺已上故孝反

大智度論卷第三十四

名

龍樹聖菩造姚秦三藏法師鳩摩羅什譯
釋初品中信持

經十方如恒河沙等世界中諸佛所說法已說今說當說聞已欲一切信持自行亦爲人說當學般若波羅蜜論問曰上已說十方諸

卷之三